



# შირაკი

## SHIRAKI

გამოდის 1937 წლიდან  
დედოფლისწყაროს მუნიციპალიტეტის გაზეთი

№45 (10.004)  
4-11 დეკემბერი 2021 წელი

ფასი: 60 თეთრი  
ყოველკვირეული გამოცემა

## „მთავარია, გადაწყვეტილებები ისე მივიღოთ, რომ ჩვენი ხალხის და მუნიციპალიტეტის ინტერესები იყოს დაცული“...

3 დეკემბერს დედოფლისწყაროს მუნიციპალიტეტის 2021 წლის მოწვევის საკრებულოს პირველი სხდომა გაიმართა.

საკრებულოს სხდომა საოლქო საარჩევნო კომისიის თავმჯდომარემ ღვათი ნასრაშვილი გახსნა, რომელმაც საზოგადოებას 2 ოქტომბერს ჩატარებული თვითმმართველობის არჩევნების შედეგები გააცნო და სიტყვა საკრებულოს უსუცეს წევრს გიორგი გომილაშვილს გადასცა.

2 ოქტომბრის თვითმმართველობის არჩევნების შედეგად დედოფლისწყაროს მუნიციპალიტეტის 2021 წლის მოწვევის საკრებულოში 30 წევრია. აქედან, 10 მაჟორიტარული წესით, 20 კი პროპორციული სიით არჩეული. 30 წევრიდან მკვ „ქართულ ოცნებას“ 24 წარმომადგენელი ჰყავს, „ნაციონალურ მოძრაობას“-5, ხოლო სახალხო პარტიას 1 წარმომადგენელი.

საკრებულოს თავმჯდომარის თანამდებობაზე ნუზურ პაპიაშვილის კანდიდატურა დასახელდა. წარმომადგენელი კანდიდატურა ფარული კენჭისყრის შედეგად, ხმათა უმრავლესობით იქნა არჩეული. ასევე, ხმათა უმრავლესობა მოიპოვა საკრებულოს თავმჯდომარის პირველი მოადგილისა და მოადგილეების კანდიდატურებაც. ნაციონალური მოძრაობის თავმჯდომარემ ლევან ბალაშვილმა განაცხადა, რომ პიროვნულად სანინააღმდეგო არავისთან არაფერი აქვს, თუმცა, თანამდებობის პირთა არჩევნებში მონაწილეობისგან „ნაციონალურმა მოძრაობამ“ თავი შეიკავა, ოდნავ მოგვიანებით კი სხდომა დროზე ადრე დატოვა იმ მოტივით, რომ ყველაფერი ფორმალურ ხასიათს ატარებდა, მათ შორის ფარული კენჭისყრაც.

საკრებულოს თავმჯდომარის პირველ მოადგილედ გოჩა სამუკაშვილი, ხოლო მოადგილეებად გივი გიგაური და ღვათი ალუღიშვილი აირჩიეს.

საკრებულოს წევრებმა ასევე ფარული კენჭისყრით აირჩიეს კომისიების თავმჯდომარეებიც: საფინანსო-საბიუჯეტო კომისიის მამუკა სეფიაშვილი უხელმძღვანელებს, სოციალური, კულტურის, განათლების და ახალგაზრდულ საქმეთა კომისიის მიხეილ ბახუტაშვილი, ეკონომიკისა და ქონების მართვის საკითხთა კომისიის არსენ ბალაშვილი, სივრცით-ტერიტორიული დაგეგმარების, ინფრასტრუქტურის და ბუნებრივი რესურსების კომისიის ნიკოლოზ ხუციშვილი, იურიდიულ საკითხთა კომისიის გიორგი გომილაშვილი.

ადგილობრივი თვითმმართველობის კოდექსში შეტანილი ცვლილებების მიხედვით, 2021 წლის მოწვევის



საკრებულოში მხოლოდ ორი ფრაქცია იქნება. ფრაქციას- „ქართული ოცნება-დემოკრატიული საქართველო“ ნუზურ ყოჩიაშვილი უხელმძღვანელებს, ხოლო „ერთიან ნაციონალურ მოძრაობას“ - ლევან ბალაშვილი.

კანონში შეტანილი ცვლილების შედეგად ფრაქციათა ოდენობა კი შემცირდა, მაგრამ გაიზარდა საკრებულოს თავმჯდომარის მოადგილეებისა და ფრაქციების თავმჯდომარის მოადგილეთა რიცხვი.

2021 წლის ახალი მოწვევის საკრებულოში გენდერული ბალანსიც დაცულია. დედოფლისწყაროს მუნიციპალიტეტის საკრებულოში ქალთა ინტერესებს 5 ქალი დაიცავს და ისინი საკრებულოს წევრთა 20%-ს წარმოადგენენ. როგორც „ერთიანი ნაციონალური მოძრაობის“ თავმჯდომარემ ლევან ბალაშვილმა განაცხადა, ეს ფაქტი არა ვინმეს კეთილი ნების, არამედ კანონით გათვალისწინებული სავალდებულო გენდერული კვოტირების შედეგია.

სხდომის დასასრულს შეიქმნა საკრებულოს ბიურო შემდეგი შემადგენლობით: ნუზურ პაპიაშვილი, გოჩა სამუკაშვილი, გივი გიგაური, ღვათი ალუღიშვილი, მამუკა სეფიაშვილი, მიხეილ ბახუტაშვილი, არსენ ბალაშვილი, ნიკოლოზ ხუციშვილი, გიორგი გომილაშვილი, ნუზურ ყოჩიაშვილი, ლევან ბალაშვილი.

სხდომის დასასრულს ნუზურ პაპიაშვილმა, რომელსაც საკრებულოს წევრებმა ნდობა მესამედ გამოუცხადეს და საკრებულოს თავმჯდომარედ აირჩიეს, მადლობა გადაუხადა მათ და იმედი გამოთქვა, რომ ერთად დედოფლისწყაროსთვის უამრავ სასიკეთო პროექტს განახორციელებენ. „მივსალამებო ასლად წარმოვდგინო დეპუტატებს როგორც „ქართული ოც-



ნებიდან“, ასევე ოპოზიციიდან. ის ღირსება, რომელსაც დედოფლისწყაროელებმა ჰქმნი, თანაბრად უნდა ვატაროთ ყველამ, იმის მიუხედავად, მოგვწონს თუ არა ერთმანეთი. ოპონირება, კამათი და საკითხში ჩაღრმავება, ვფიქრობ, რომ ეს კანონზომიერებაა. მთავარია, გადაწყვეტილებები ისე მივიღოთ, რომ ჩვენი ხალხის და მუნიციპალიტეტის ინტერესები იყოს დაცული“.

ახალი საკრებულოს პირველი სხდომა შეაფასა მუნიციპალიტეტის მერმა ნიკოლოზ ჯანიაშვილმა: „ღმის ბერიმთა ახლადარჩეული საკრებულოს პირველი სხდომა. შესაბამისად, 2017 წელს არჩეული საკრებულო ძალადაკარგულად გამოცხადდა. პირველ რიგში მივხარ, ჩვენი მუნიციპალიტეტის მოსახლეობას და ახლადარჩეულ

საკრებულოს მიუვლოცო ეს ფაქტი და წარაგება ვუსურვო თითოეულ მათგანს, აღამიანებს, ვისაც ხალხმა მათი და რაიონის ბედი ანდო. მახარებს ის, რომ აკლიან კარგი გუნდია შეკრებილი, განსაკუთრებით მიხარია ქალბატონების სიმრავლე.

მე დარწმუნებული ვარ, რომ საკრებულოს თითოეული წევრი თავის მუნიციპალიტეტზეა შეყვარებული და თავისი საქმის პროფესიონალია, რაც ამოწმებს იმის იმედს, რომ ყველა პასუხისმგებლობით განახორციელებს 4 წლის მანძილზე თავის მოვალეობას. ჩვენი მუნიციპალიტეტის განვითარების გასაღები სწორედ დედოფლისწყაროს საკრებულოსთან ერთად კოორდინირებულ მუშაობაშია.“

ინგა შიოლაშვილი

# ადგილობრივი მოსახლეობა გეობრაფიული რისიდან გამოსავლის გზებს ეძებს...

2020-2022 წლების საპილოტო რეგიონების ინტეგრირებული განვითარების პროგრამის ფარგლებში საქართველოში ევროკავშირის წარმომადგენლობის მონაწილეობის საშუალებით სოფლის მეურნეობის განვითარების პროგრამის განხორციელების მიზნით, საქართველოს რეგიონული განვითარებისა და ინფრასტრუქტურის მინისტრის მოადგილე მზია ბიორგომიანი, ევროკავშირისა და არასამთავრობო ორგანიზაციების წარმომადგენლები დედოფლისწყაროს მუნიციპალიტეტში ეწვევიან. მინისტრის მოადგილე მზია ბიორგომიანი და მისი თანადამსახურეები მუნიციპალიტეტის მერიის წარმომადგენლებს შეხვედებიან, სადა განიხილებიან მუნიციპალიტეტის მდგრადი განვითარების მიზნით გასაძლიერებელი ღონისძიებები და მათი დაფინანსების საშუალებები.

დედოფლისწყაროს მუნიციპალიტეტში ბიოსფერული რეზერვატის დაარსება ევროკავშირის ფინანსური მხარდაჭერით, პროექტი „ბიოსფერული რეზერვატის, როგორც ადგილობრივ დონეზე ინკლუზიური და მდგრადი განვითარების მოდელის დაარსება კახეთის რეგიონში“ ფარგლებში მიმდინარეობს. პროექტი ხორციელდება დედოფლისწყაროს მუნიციპალიტეტის მიერ კავკასიის რეგიონულ გარემოსდაცვით ცენტრთან პარტნიორობით.

პროექტის ფარგლებში ცენტრის ბიომრავალფეროვნებისა და მდგრადი ბუნებრივი რესურსების პროგრამების მენეჯერი, ლალი თაყაიძე, მან ვრცლად ისაუბრა ბიოსფერული რეზერვატის მნიშვნელობაზე და მიმოიხილა პროექტის ფარგლებში განხორციელებული ღონისძიებები.

„ხშირად არ არის მარტივი განმარტო ის დიდი სიკეთე, რისი მოტანაც ბიოსფერული რეზერვატის სტატუსს შეუძლია კონკრეტული ქვეყნისთვის, მისი რეგიონის მდგრადი სოციალურ-ეკონომიკური განვითარებისთვის. ბიოსფერული რეზერვატი არის სტატუსი, რომელიც UNESCO ანიჭებს ისეთ ტერიტორიას, სადაც ადგილობრივების ჩართულობით ხდება ბუნების, ბიომრავალფეროვნებისა და ბუნებრივი პროცესების დაცვა მავნე ზეგავლენებისგან. რეზერვატი არის ადგილი, სადაც ადამიანები ცხოვრობენ და მოღვაწეობენ. UNESCO-ს მიერ აღიარებული სტატუსი მნიშვნელოვანია როგორც გარემოსდაცვითი თვალსაზრისით, ასევე სოციალურ-ეკონომიკური განვითარებისა და სამეცნიერო-საგანმანათლებლო ასპექტით. ევროპაში არსებული ბიოსფერული რეზერვატები ნათელი მაგალითია იმისა, თუ ადგილობრივი მოსახლეობა მათი არსებობით რა სიკეთეს იღებს.“

დღეს მთელი მსოფლიო ცდილობს განსაკუთრებული ტურისტული მიმართულებების განვითარებას, ბიოსფერული რეზერვატი სწორედ ტურიზმის

განვითარებას უწყობს ხელს თავისი ეკოტურისტული ხასიათითა და ჯანსაღი ცხოვრების წესის პოპულარიზაციით.

UNESCO-ს მონაცემებით, დღეს-დღეობით მსოფლიოს 131 ქვეყანაში 727 ბიოსფერული რეზერვატია. საქართველოში ამ მიმართულებით გამოკვლეულ რეგიონებს შორის, კახეთი ყველაზე მეტად გამოირჩეული და დიდი რეგიონია.

გარდა იმისა, რომ ეკოლოგიური თვალსაზრისით ბიოსფერული რეზერვატი მდგრად განვითარებასა და ცხოვრების ხარისხის გაზრდას უწყობს ხელს, მას ნიშანდობლივი ეკონომიკური გავლენა აქვს, როგორც ტურისტული, ისე ადგილობრივი წარმოების თვალსაზრისით.

ინოვაციური რეფორმებისა და თანამედროვე ტექნოლოგიების (განახლებადი ენერჯის წყაროები, წყლის კონსერვაცია და მიზნობრივი გამოყენება, მესაქონლეობა და შინაური ცხოველის გაზრდის ახალი ტექნოლოგიები) გამოყენებით იქმნება დასაქმების ახალი შესაძლებლობები და ამავდროულად, ხდება ბუნების დაცვა. შესაბამისად, შეგვიძლია დავასკვნათ, რომ ბიოსფერული რეზერვატის ფარგლებში დამატებითი დოვლათის შექმნა შესაძლებელია.

განხორციელებული საპილოტო პროექტების შესახებ შეხვედრის მონაწილეებს ინფორმაცია მიანდა პროექტის მენეჯერმა დედოფლისწყაროში ამირან კოდინაშვილმა: „ბიოსფერული რეზერვატი სიახლე იყო როგორც საქართველოსთვის, ასევე დედოფლისწყაროსთვის. შესაბამისად, ვცდილობდით, ამ სიახლის შესახებ რაც შეიძლება მეტი ინფორმაცია მიგვეზოგებინა მოსახლეობის ფართო მასებისთვის და აგვეხსნა: მიუხედავად იმისა, რომ ბიოსფერული რეზერვატი დაცული ტერიტორიაა, არ გულისხმობს აკრძალვებს. საუბარია იმაზე, რომ განვითარება უნდა მოხდეს ბუნებასთან ჰარმონიულად. როდესაც ბიომრავალფეროვნების დაცვა და მოსახლეობის სოციალურ-ეკონომიკური განვითარება ჰარმონიულად მიმდინარეობს. იმ სიტუაციაში, როდესაც საუბარია კონფლიქტზე, ისე უნდა მოგვარდეს, რომ ორივე მხარის მიზნები იყოს შესრულებადი. წინააღმდეგ შემთხვევაში

ეს ჰარმონია დაირღვევა. ბიოსფერული რეზერვატის არსი ეს არის. შესაბამისად, ჩვენი საპილოტო პროექტები ემსახურებოდა ინფორმაციის მიწოდებას.

**ვალერი ლომა-საყვარელი სხვადასხვა**  
ერთი საპილოტო პროექტი განხორციელდა არნივის ხეობაში, რომელიც მდებარეობს ქალაქ დედოფლისწყაროსთან ძალიან ახლოს, არის საძოვარი. ბუნებრივია, რომ ამ ტერიტორიაზე აძოვებს მოსახლეობა თავის საქონელს. მაგრამ ხშირია შემთხვევები, როდესაც ეს საქონელი გადადის დაცულ ტერიტორიაზე. განსაკუთრებით მნიშვნელოვანია ის, რომ მოსახლეობა ხშირად უშვებს მსხვილფეხა პირუტყვს უპატრონოდ, მწყემსის გარეშე. ცხოველისთვის კი მოგვხსენებათ, საზღვარი არ არსებობს. ამიტომ ხშირად ხდება კონფლიქტი დაცული ტერიტორიების მიზნებსა და მოსახლეობას შორის. ჩვენ, საპილოტო პროექტის ფარგლებში და ევროპული გამოცდილების გათვალისწინებით, მოვახდინეთ ელექტრო ლობებით რატაციული ძოვების სისტემის დადგენა. ამ მეთოდით ხდება საძოვრის გაყოფა რამოდენიმე ნაწილად, შემოღობილია ის ელექტრო ლობით და ხდება მხოლოდ ერთი ტერიტორიის სრული გამოყენება, ხოლო სხვა ტერიტორიის დასვენება. ამ მეთოდით საძოვარიც უმჯობესდება. და მთავარი შედეგი კი ისაა, რომ ფაქტიურად მოისპო კონფლიქტი ადგილობრივი მოსახლეობასა და დაცულ ტერიტორიებს შორის.

**მორა საპილოტო პროექტი**  
ჭაჭუნას ალკვეთილის მიმდებარედ, რომელიც ბიომრავალფეროვნებით გამოირჩეული დაცული ტერიტორიაა, საძოვრებია და მეცხოველეობის ფერმები. ძირითადად მეცხვარეები. ამ საძოვრებზე ათი ათასობით ცხვარი იკვებება. ბუნებრივია, რომ ცხვარს სჭირდება წყლის რესურსი. საქართველოს კანონმდებლობით დაშვებულია, მათ შორის დაცულ ტერიტორიებზეც, სასიცოცხლოდ აუცილებელი რესურსის გამოყენება. მაგრამ წყლის გამოყენების საბაზს ხშირად მოსდევდა ჭალის გადაძოვება. დაცული ტერიტორიების საძოვრად გამოყენება კი ქმნის კონფლიქტს ბუნებასა და ფერმერებს შორის.

## 2022 წლისთვის სოციალური რეაბილიტაციის და ბავშვთა ზრუნვის პროგრამის ბიუჯეტი 52 მილიონ ლარამდე გაიზარდა

3 დეკემბერს, შეზღუდული შესაძლებლობის მქონე პირთა საერთაშორისო დღეა. იგი 1992 წელს, გაეროს მიერ დაარსდა და მისი მიზანია კიდევ ერთხელ გაამახვილოს ყურადღება იმ მრავალსაუკუნოვან დისკრიმინაციასა და უგულვებელყოფაზე, რომელსაც შეზღუდული შესაძლებლობის მქონე პირები განიცდიან.

მიუხედავად იმისა, რომ მთელი მსოფლიოს მასშტაბით ამ მიმართულებით დიდი ძალისხმევაა განხორციელებული, შეზღუდული შესაძლებლობის მქონე პირებს კვლავაც ექმნებათ გადაადგილების, განათლების, დასაქმების, რესურსებზე ხელმისაწვდომობისა და სხვა ტიპის პრობლემები. ეს პრობლემა განსაკუთრებით მძაფრად ჩანს ისეთ ქვეყნებში, როგორც საქართველო. შეზღუდული შესაძლებლობის მქონე პირებს ყოველდღიურად უწევთ დიდი დაბრკოლებების გადალახვა, რომელიც ვერ ჩაითვლება ღირსეულ ცხოვრებად. შშმ პირების ნაწილი ამის გამო გამოკეტილია დახურულ სივრცეში და ვერ ახდენს საზოგადოების ნაწილად საკუთარი თავის აღქმას, ნაწილი კი მძიმე საზოგადოებრივი სტიგმის მსხვერპლია. სწორედ ამიტომ, დღეს როგორც არასდროს ჩვენ უნდა გვესმოდეს თუ რა დიდი მნიშვნელობა აქვს საზოგადოების თითოეული წევრის ცნობიერებასა და სოლიდარობას შშმ პირების მიმართ.

საქართველოს პრემიერ-მინისტრ ირაკლი ლარიაშვილის ინიციატივით შექმნილი შეზღუდული შესაძლებლობის მქონე პირთა უფლებების კონვენციის იმპლემენტაციის უწყებთაშორისი საკოორდინაციო კომიტეტის პირველი სხდომა ჩატარდა.

ყველასთვის თანასწორ შესაძლებლობათა უზრუნველყოფა, შეზღუდული შესაძლებლობის მქონე პირთა უფლებების დაცვის გაუმჯობესება ხელისუფლების ერთ-ერთი მთავარი პრიორიტეტია.

2014 წელს მთავრობამ მოახდინა „შეზღუდული შესაძლებლობის მქონე პირთა უფლებების შესახებ“ გაერთიანებული ერების ორგანიზაციის კონვენციის რატიფიკაცია.

გასულ წელს საქართველოს პარლამენტმა მიიღო ახალი კანონი „შეზღუდული შესაძლებლობის მქონე პირთა უფლებების შესახებ“, რითაც მნიშვნელოვნად გაუმჯობესდა შეზღუდული შესაძლებლობის მქონე პირთა უფლებებისა და თავისუფლებების დაცვის საკანონმდებლო გარანტიები.

საკანონმდებლო ცვლილებების გარდა, ძლიერდება სოციალური დაცვის პროგრამები, რაც განსაკუთრებით მნიშვნელოვანია მოქალაქეებისათვის.

2022 წლისთვის სოციალური რეაბილიტაციის და ბავშვთა ზრუნვის პროგრამის ბიუჯეტი 52 მილიონ ლარამდე გაიზარდა.

## ბოლო მონაცემებით, დისტანციურ სწავლებაზე იყვოფება 108 სკოლა და 369 კლასი

გასული ერთი კვირის მონაცემის მიხედვით, საქართველოს მასშტაბით შემცირდა დისტანციურ სწავლებაზე გადასული სკოლების რიცხვი. ბოლო შვიდი დღის მონაცემებით, დისტანციურ სწავლებაზე იყვოფება 108 სკოლა და 369 ცალკეული კლასი. ამის შესახებ ინფორმაციას განათლების და მეცნიერების სამინისტრო ავრცელებს.

მათივე ცნობით, საქართველოს მასშტაბით დისტანციურ სწავლებაზე იყვოფება რისკის ჯგუფის 115 მასწავლებელი, რაც გასული კვირის მონაცემთან შედარებით საგრძნობლად შემცირებულია.

„ბოლო შვიდი დღის განმავლობაში კორონავირუსი დაუდასტურდა მასწავლებლების 0.8%-ს, ხოლო მოსწავლეების — 0.3%-ს.“

ამ ეტაპისთვის აცრილია მასწავლებელთა და სკოლის ადმინისტრაციის წარმომადგენელთა 71%.

საქართველოს განათლებისა და მეცნიერების სამინისტრო სკოლებში ჩოვიდ-19-ის ვირუსის პრევენციის მიზნით აქტიურად მუშაობს სხვადასხვა მიმართულებით. ასევე ინტენსიურად მიმდინარეობს ჩოვიდ-19-ზე მასწავლებელთა ტესტირება.

სკოლებში მაქსიმალურად დაცულია ჯანდაცვის სფეროს რეკომენდაციები და შექმნილია უსაფრთხო გარემო. ამ პროცესს მონიტორინგს საგანმანათლებლო რესურსცენტრებისა და სამინისტროს წარმომადგენლები უწყებენ“- აღნიშნავენ უწყებამში.

# ადგილობრივი მოსახლეობა გეობრაფიული რისიდან გამოსავლის გზებს ეძებს...

ამ პილოტ პროექტით სინერჯიაში შევდივით ძალიან კარგ პროექტთან. არის ასეთი ორგანიზაცია „საბუკო“, რომელიც ახორციელებდა ძაბრების მონაცემებს. ძაბრი ნიშნავს -ორი მხრიდან ხდება ლობების მონაცემები, რომ საქონელი ჩავიდეს მხოლოდ წყლის დასაღვავად. პილოტ პროექტის ფარგლებში შემოვლობეთ 3 კილომეტრი ტერიტორია. თითქმის ათასი ჰექტარი დავიცავით ჭალა ჭარბი ძოვებისგან და შევარბილეთ კონფლიქტი დაცულ ტერიტორიასა და მოსახლეობას შორის.

მოეწყო ორი გადასახედი- არხილოს-კალოსა და დედოფლისწყაროს შემოსასვლელთან. ერთი გადასახედიდან აღაზნის ველი იშლება ხელისუფლივით, მეორედან კი- ივრის ზეგანი. ამ გადასახედებთან მოეწყო საინფორმაციო დაფები, სადაც პოპულარული ენაზე გადმოცემული ინფორმაცია არა მარტო ბიოსფერული რეზერვატის, არამედ ამ ადგილების კულტურული მემკვიდრეობის შესახებაც“.

შეხვედრაზე ბიოსფერული რეზერვატის შესახებ გადაღებული საინფორმაციო კლიპი აჩვენეს, სადაც დედოფლისწყაროელი ფერმერები, გარემოსდაცველები და ადგილობრივი ხელისუფლების წარმომადგენლები მონაწილეობენ.

## გეობრაფიული რისიდან გამოსავლის გზების ძიება

ბიოსფერულ რეზერვატს განიხილავენ როგორც ხარისხის ნიშანს. რეზერვატის ტერიტორიაზე წარმოებული პროდუქცია გაცილებით მაღალ ფასად იყიდება საერთაშორისო ბაზარზე. ამ ფაქტს ბევრი ნათელი მაგალითი მონიშნავს, მაგალითისთვის, 1998 წელს მაროკოში შექმნილი არგანის ბიოსფერულ რეზერვატში ყველაზე მაღალი ხარისხის არგანის ხეები ინარჩუნება და ექსპორტირდება; კოტ-დ'ივუარის კომოეს ბიოსფერულ რეზერვატში წარმოებული თაფლი ერთ-ერთ ყველაზე ძვირადღირებულ პროდუქტად ითვლება; ეთიოპიის კაფას რეზერვატში წარმოებული ყავა ასევე, მსგავსი რეპუტაციით სარგებლობს მსოფლიო ბაზარზე. ასეთი მაგალითების სია ძალიან გრძელია და რეზერვატების რაოდენობის მატებასთან ერთად იზრდება და პირდაპირ აისახება ადგილობრივთა კეთილდღეობაზე. საქართველოს ბიოსფერული რეზერვატების შექმნასა და ამ ტერიტორიებზე წარმოების განვითარების საკმაოდ დიდი პოტენციალი აქვს.

სწორედ დედოფლისწყაროს პოტენციალის შესახებ ისაუბრა დედოფლისწყაროს მუნიციპალიტეტის მერის მოადგილემ.

**მალხაზ მირაბიშვილი**, დედოფლისწყაროს მუნიციპალიტეტის მერის მოადგილე: „ის ცუდი მაგალითი, რომელიც თავის დროზე ყაზბეგის ბიოსფერული რეზერვატის დაარსებას მოჰყვა, ეს იყო ჩვენთვის გამოწვევა, რომ იგივე შეცდომები არ დაგვეშვა ჩვენც ამ ნომინაციაზე წარდგენისას. ადგილობრივი მოსახლეობის ჩართულობა უნდა ყოფილიყო მაქსიმალურად. პირველად მოხდა საქართველოში, როცა 144 ტონა ყურძენი პირდაპირ ვენახიდან გავიდა ექსპორტზე სლოვაკეთსა და უკრაინაში. ეს მოჰყვა სწორედ ადგილობრივი მოსახლეობისა და ფერმერების სწორ ინფორმირებულობას.

მართალია, დღეს ჯერ არ გვაქვს ეს ნომინაცია, მაგრამ ბიზნესმენები და ფერმერები ემზადებიან ამისთვის და წინ, მომავლისკენ იყურებიან.

მე მინდა მოკლედ წაგიკითხოთ წერილი, რომელსაც ადგილობრივი მოსახლეობა სწერს გარემოს დაცვისა და სოფლის მეურნეობის სამინისტროს, სადაც ისინი ითხოვენ ნებართვას ერთ-ერთ ჰაბიტატზე კაკებისათვის. კარგი მაგალითი იყო მუნიციპალიტეტის, საჯარო რეესტრისა და REC-ის ერთობლივი მემორანდუმი, რითიც ერთ-ერთი

სოფლის მიწის რეგისტრაციასთან დაკავშირებით სივრცითი მონაცემები დაიგეგმა. აქედან გამომდინარე, იმ ჰაბიტატზე, სადაც ტყეა, მათ აქვთ სურვილი, რომ ამ ადგილას შეიძინონ და გაუშვან კაკები, რომლებიც უკონტროლო ნადირობისა და ბრაკონიერობის გამო გადაშენების პირას არიან. მოსახლეობა ვალდებული იქნება, რომ მიმდებარე ტერიტორიასაც დაიცავდნენ და ამ პოპულაციასაც აღადგენენ.

ამ მაგალითით იმის თქმა მინდა, რომ ინფორმირებულობის შედეგად მოსახლეობის ჩართულობა უკვე საგრძნობია და ისინი ბიოსფერული რეზერვატის ფარგლებში თავიანთ ცხოვრებას უკვე სხვა ჭრილში ხედავენ.

ადგილობრივი მოსახლეობა უკვე ებლაუჭება ამ შესაძლებლობას, რომ გამოიყენოს ეს მანძი და გეოგრაფიული რისიდან გამოსავლის გზებს ეძებს“.

მოსახლეობის ინფორმირება რომ მნიშვნელოვანია, ამის თაობაზე იცოდა მუნიციპალიტეტის მერმა, რომელმაც დიდი შრომა გასწია.

**ნიკოლოზ ჯანიაშვილი**, დედოფლისწყაროს მუნიციპალიტეტის მერი: „ძალიან ბევრი შეხვედრა ჩატარდა მოსახლეობასთან მათი ინფორმირებულობისათვის. როგორც თქვენ დაინახეთ, ბევრი პროექტი, მათ შორის ევროკავშირის პროექტი, ერთმანეთთან არის გადაჯაჭვული და არცერთი შეხვედრა არ ყოფილა, დედოფლისწყაროს ტურისტულ პოტენციალთან დაკავშირებული, სადაც ჩვენ არ გვესაუბრა იმ შესაძლებლობებზე, რასაც გვაძლევს ბიოსფერული რეზერვატი. ამირან კოდიამვილიმ ახსენა კონფლიქტები ეკონომიკურ საქმიანობაში, მესაქონლეობასა და მინათ-მოქმედებას შორის. გერმანული თანამშრომლობის საზოგადოება, რომელიც ჩვენი დიდი ხნის პარტნიორია, ძალიან მნიშვნელოვან პროექტებს ახორციელებდა, მათ შორის ქარსაფარი ზოლების აღდგენასთან დაკავშირებით, ყველაფერი იყო ერთმანეთთან მიბმული და ამ შესაძლებლობებს ვიყენებდით ჩვენც და ვუსწინდით მოსახლეობას, რა სარგებელს მოუტანს ბიოსფერული რეზერვატის სტატუსი დედოფლისწყაროს და უშუალოდ თითოეულ მათგანს.

ჩვენი მუნიციპალიტეტი და მოსახლეობის საქმიანობა მაინც დაკავშირებულია ტრადიციულ საქმიანობასთან და ეს ტრადიციული საქმიანობები ბუნებისადმი მეგობრულად არის განწყობილი და მის მოფრთხილებასთან არის დაკავშირებული“- განაცხადა ნიკოლოზ ჯანიაშვილმა.

„ძალიან ამაყი ვარ, რომ ევროკავშირმა ამაში შეიტანა წვლილი. ბიოსფერული რეზერვატი სწორი დამოკიდებულებაა როგორც ტურიზმის განვითარების, ასევე ეკონომიკური კუთხით განვითარებისკენ. ეს ძალიან კარგი მოდელია სრულიად საქართველოს განვითარებისთვის. ევროკავშირი ზრუნავს საქართველოს რეგიონებზე. სამინისტროსთან ერთად, ჩვენი ერთობლივი პროგრამის ფარგლებში, საქართველოს ოთხ მიზნობრივ რეგიონში ვმუშაობთ, რათა დავეხმაროთ ადგილობრივ მოსახლეობას უშუალოდ ისარგებლონ გაუმჯობესებული პირობებით. პროგრამა ხელს უწყობს სოფლებისა და ქალაქების, ასევე ბიზნესისა და გარემოს განვითარების ბალანსის გაუმჯობესებას. ევროკავშირში გამოცდილებამ გვასწავლა, რომ რეგიონები უკეთ და უფრო მდგრადად ვითარდება, როდესაც ადგილობრივი მოსახლეობა და ხელისუფლება თავად იღებენ გადაწყვეტილებებს. მოხარული ვარ, რომ ამ გადაწყვეტილებების შედეგების ნახვა უკვე შეგვიძლია,“- განაცხადა სიმონ ბრეტქელმა.

\*\*\*

შეგახსენებთ, რომ დედოფლისწყაროში ბიორეზერვატის პროექტი ხორ-



ციელდება. საქართველოს გამოჩენა ბიოსფერული რეზერვატის მსოფლიო რუკაზე ბევრი ადამიანის, საერთაშორისო და ადგილობრივი ორგანიზაციებისა და სახელმწიფოს აქტიური ჩართულობით მიმდინარეობს.

**პროექტის განხორციელებაში მნიშვნელოვანი წვლილი მიუძღვის საქართველოს გარემოს დაცვისა და სოფლის მეურნეობის სამინისტროს, დედოფლისწყაროს მუნიციპალიტეტის მერიას, მიხეილ ზუკოვის ფონდს, გერმანიის საერთაშორისო თანამშრომლობის საზოგადოებას (GIZ) და კავკასიის რეგიონულ გარემოსდაცვით ცენტრს.**

პროექტში ასევე მონაწილეობენ ადგილობრივ ფერმერთა ასოციაციები, ადგილობრივი განვითარების ფონდები, დაცული ტერიტორიების მეგობართა ასოციაციები და ა.შ.

პროექტის განმახორციელებელი პარტნიორების - დედოფლისწყაროს მუნიციპალიტეტისა და კავკასიის რეგიონული გარემოსდაცვითი ცენტრის დიდი მონდობებით, საქართველო პირ-

ველი ქვეყანა იქნება რეგიონში, სადაც ერთდროულად ორი ბიოსფერული რეზერვატი დაარსდება: სამი ალაზნის ბიოსფერული რეზერვატი — თუშეთში და დედოფლისწყაროს ბიოსფერული რეზერვატი დედოფლისწყაროს მუნიციპალიტეტში.

ასევე გასათვალისწინებელია, რომ ბიოსფერულ რეზერვატებში არსებულ ბიზნესებსა თუ ინდივიდუალურ პირებს, გაცილებით მარტივად შეუძლიათ დონორ ორგანიზაციებთან თანამშრომლობა, სხვადასხვა დაფინანსებების მოძიება და ამ მხრივ საქმიანობის განვითარება. მსოფლიოს მასშტაბით ბიოსფერულ რეზერვატებში მცხოვრებ მოსახლეობას ძლიერი ლოკალური იდენტობის შეგრძნება და განსაკუთრებული სიამაყით სავსე დამოკიდებულება აქვს თავის რეგიონთან დაკავშირებით, რაც აისახება მათ აქტიურ ჩართულობაში ყველა მიმდინარე დაცვით ღონისძიებაში.

მასალა მოამზადა ინგა შიოლაშვილმა

# ერთად ყველაფერს შევძლებთ

საქართველოს წითელი ჯვრის საზოგადოება არის ნებაყოფლობითი, ჰუმანიტარული, არასამთავრობო, დამოუკიდებელი საზოგადოებრივი გაერთიანება, რომელიც მოქმედებს, როგორც ხელისუფლების დამხმარე ორგანიზაცია ჰუმანიტარული საქმიანობების სფეროში. იგი თავის საქმიანობას ახორციელებს ქვეყნის მთელს ტერიტორიაზე, მისი წესდებისა და მისიის შესაბამისად, წითელი ჯვრის საერთაშორისო მოძრაობის ფუძემდებლური პრინციპების დაცვით და ვსარგებლობთ საქართველოს კანონმდებლობით განსაზღვრული უფლება-მოვალეობებით.

„ჩვენი მისიაა დავეხმაროთ უმწეო ადამიანებს საგანგებო სიტუაციებით და სოციალურ-ეკონომიკური კრიზისით გამოწვეული შედეგების დაძლევაში მათი სიცოცხლისა და ღირსების დაცვის მიზნით. ჩვენ ვზრუნავთ ადამიანთა ტანჯვის შემსუბუქებაზე და სიღარიბისაგან და მცდარი შეხედულებებისაგან თავისუფალი გარემოს შექმნის ხელშეწყობაზე“-აცხადებს „შირაქთან“ საუბარში წითელი ჯვრის დედოფლისწყაროს ფილიალის მენეჯერი ქ-ნი ნათელა თამაზაშვილი. იგი 2016 წლიდან ჩაუდგა სათავეში ამ ორგანიზაციას და მას მერე არაერთი საქველმოქმედო თუ მოსახლეობის სამედიცინო კვლევების განხორციელების ავტორი გახდა.

„ჩვენს საქმიანობას ვახორციელებთ ქვეყნის მთელს

ტერიტორიაზე, მისი წესდებისა და მისიის შესაბამისად, წითელი ჯვრის საერთაშორისო მოძრაობის ფუძემდებლური პრინციპების დაცვით და ვსარგებლობთ საქართველოს კანონმდებლობით განსაზღვრული უფლება-მოვალეობებით.

ვინაიდან, ვართ საქართველოს შრომის, ჯანმრთელობისა და სოციალური დაცვის სამინისტროს დამხმარე რეგულირებადი მოსახლეობისათვის პირველი დახმარების უზრუნველყოფაში, ამ მიმართულებით არაერთი ღონისძიება გვაქვს ჩატარებული. სულ ახლახანს ჩვენი სათაო ოფისის ხელშეწყობით, მარტოხელა პენსიონერებზე გავყვით პირველადი საჭიროების საკვები პროდუქტების 20 ცალი ამანათი.

ვეხმარებით დაზარალებულ მოსახლეობას საგანგებო სიტუაციების დროს. რამოდენიმე ხნის წინ კომპანია „ფრონტიერას“ დროებით უმუშევრად დარჩენილ ჩვენს თანამოქალაქეებს დავეხმარეთ მსხვილი სასაჩუქრე ამანათებით. აქვე მოსახლეობისთვის კიდევ ერთხელ უნდა



დამხმარების სოციალური სააგენტო ერთობლივად ვართ მონაწილე ამ პროექტებში, მათგან მოგვეწოდება სიები და ამის მიხედვით გავცემთ დახმარებებს სხვადასხვა კატეგორიის ბენეფიციარებზე- შშმპ-ზე, მარტოხელა პენსიონერებზე, სოციალურად დაუცველებსა თუ სხვებზე, სიტუაციისა და მოთხოვნის შესაბამისად. რას შეეხება სამედიცინო გამოკვლევების კუთხით მოსახლეობის მოთხოვნების უზრუნველყოფას, აღვნიშნავ, რომ ქვეყნის მასშტაბით მხოლოდ ჩვენს მუნიციპალიტეტში ჰყავს წითელი ჯვრის ორგანიზაციას ყველა პროფილის ექიმი და ყველანაირად ვცდილობთ, გვერდში დავუდგეთ ჩვენს თანამოქალა-

ქეებს და შესაბამისი უფასო სამედიცინო დახმარება გავუწიოთ თითოეულ მათგანს. დღემდე უამრავი გასვლითი ღონისძიება გვაქვს განხორციელებული როგორც ჩვენს სოფლებში, ასევე სხვადასხვა რეგიონებში-სამეგრელოში, პანკისის ხეობაში, იმერეთსა თუ საქართველოს სხვადასხვა კუთხეში“- გვიამბობს ქალბატონი ნათელა.

ჩვენ ისლა დაგვრჩენია, წარმატებები ვუსურვოთ ამ ორგანიზაციას და კიდევ უამრავი საქველმოქმედო ღონისძიების განხორციელება, რაც ასე მნიშვნელოვანია ეკონომიკური კრიზისისა და პანდემიის ფონზე ჩვენი მოსახლეობისთვის.

**ესაუბრა**  
ელზა ხარაშვილი





# უარყოფითი ინფორმაციის გავლენა



პანდემიის პირობებში სახლში გამოკეტილი საზოგადოების ნაწილს დაეარსა და შფოთვა დაუფულა. ფსიქოლოგები გვიჩვენებენ, რომ სასურველია პანდემიის შესახებ ან ნაბატიური ემოციების შემცველ ნაბისიერ ინფორმაციას მოვუსაზიროთ დღეში ერთხელ ან ორჯერ, დღის პირველ მონაკვეთში. საღამო კი, ძილის წინა პერიოდში, არ უნდა დავტვირთოთ უარყოფითი ემოციებით. აქვე გვინდა შევთავაზოთ სამი გზა, რომლითაც ნაბატიური სიახლეები მიკარგოთ დასაკნების გამოტანისკენ მივრჩიოთ. აქვე გვინდა შევთავაზოთ მოვლენების ტყვეობაში გვაგყოფიან.

უყურეთ, ნაკითხეთ ან მოისმინეთ სიახლეები და, სავარაუდოდ, თქვენ იფიქრებთ, რომ სამყარო სწრაფად მიექანება უბედურებისა და ქაოსისაკენ, მიუხედავად იმისა, რომ ცხოვრების ბევრი ასპექტი მრავალი წლის მანძილზე უმჯობესდებოდა. თანმიმდევრული, სენსაციად ქცეული, პესიმიზმის ამსახველი სიახლეების უწყვეტი ნაკადის გავრცელება სიახლეების გამავრცელებლებისთვის ნორმად იქცა. ეს კი მნიშვნელოვანია, რადგან კვლევა ცხადყოფს, რომ რასაც სიახლეების სახით ვიღებთ, ის გავლენას ახდენს ჩვენს ფსიქიკურ ჯანმრთელობაზე. მართალია, ნეგატიური ინფორმაცია მრავალგვარად შექანიზმზე დაყრდნობით შემოქმედებს ჩვენზე, თუმცა, ერთ — ერთი მნიშვნელოვანი გზა დასკვნის გამოტანისა და მსჯელობის უნარებია, რომელთან ურთიერთქმედების შედეგადაც, უარყოფითი სიახლეების უწყვეტი ნაკადი ახერხებს ჩვენი ყურადღება მხოლოდ უარყოფითი მოვლენებისკენ მიმართოს და დაგვაგინოს კარგი მოვლენები.

ქვემოთ ჩამოთვლილია სამი მიკერძოებული დასკვნა, რომელსაც უარყოფითი სიახლეები ააქტიურებს და მათი უარყოფითი გავლენისგან გათავისუფლებაში ხელს გვიშლის. აქვე მოცემულია, როგორ შეგვიძლია, მოჯადოებულნი ვიყოთ თავის დაღწევა.

ნეგატიურობაზე დამყარებული მიკერძოებული დასკვნა იმას ნიშნავს, რომ ჩვენ არ შეგვიძლია, უარყოფითი სიახლეების მიღება შევწყვიტოთ.

ეს მიკერძოებული დასკვნა გულისხმობს, რომ ადამიანები მეტად კონცენტრირდებიან უარყოფით

მოვლენებზე, ინფორმაციაზე ან ემოციებზე, ვიდრე მათ საპირისპირო ემოციების აღმძვრელ მოვლენებზე. საფრთხეებით სავსე პერიოდში ამ მიკერძოებას ევოლუციური სარგებლის მოტანა შეეძლო (მაგალითად, ჩვენ მარტივად შეგვიძლო შესაძლო საფრთხის შემჩნევა და უსაფრთხოებაზე ზრუნვა). თუმცა, თანამედროვე მსოფლიოში ეს უნარი ჩვენი ყურადღების შენარჩუნებას ემსახურება.

ამას შეუძლია ახსნას რატომ უსვამენ ხაზს სიახლეებში, დიდწილად, უარყოფითი მოვლენებს, რომლებიც მსოფლიოში ხდება. შესაბამისად, არა მხოლოდ ვეძებთ უარყოფითს, არამედ სიახლეების გამავრცელებლებიც, ძირითადად, უარყოფითი სიახლეებს გვანვდიან. ეს კი გამორმაგებული დოზაა.

მისანვდომობაზე დამყარებული მიკერძოებული დასკვნა იმას ნიშნავს, რომ მას შემდეგ, რაც ჩვენ ვხედავთ უარყოფითს, გაზვიადებულად ვაფასებთ მის მნიშვნელობას.

მისანვდომობაზე დამყარებული მიკერძოებული მსჯელობა (რომელსაც მისანვდომობის ევრისტიკასაც უწოდებენ) არის ჩვენი ტენდენცია, რომელიც გულისხმობს, რომ ადამიანები გადაჭარბებულად აფასებენ ისეთი საკითხების მნიშვნელობას, რომლებიც მათ სწრაფად ახსენდებათ. რა თქმა უნდა, პირველ რიგში, ის გახსენდებათ, რამაც ახლო წარსულში მიიპყრო თქვენი ყურადღება ისევე, როგორც ისეთი რამ, რასაც მეტი ყურადღება დაუთმეთ.

შესაბამისად, თუ თქვენ ახლახან უყურეთ ახალი ამბების სიუჟეტს თქვენს ქალაქში მომხდარ ძარცვასთან დაკავშირებით და გკითხავთ, რა პრობლემაა თქვენს ქალაქში, შეიძლება, მითხრათ, რომ თქვენი ქალაქის მთავარი პრობლემა ძარცვაა მაშინაც კი, როცა შეიძლება ეს საკმაოდ იშვიათია თქვენს ქალაქში. თუ თქვენ განუწყვეტლივ უყურებთ უარყოფითი ემოციის აღმძვრელ სიახლეებს, თქვენი თავის ტვინი, დიდწილად, საშინელ მოვლენებს გაიხსენებს და დაიჯერებს, რომ შედარებით იშვიათი მოვლენები ზოგადი მდგომარეობის ამსახველია.

დადასტურებისკენ მიდრეკილება იმას ნიშნავს, რომ ჩვენ მიდრეკილნი ვართ, აღმოვაჩინოთ უარყოფითი ხედვის მხარდაჭერი მტკიცებულებები.

დადასტურებისკენ სწრაფვა იმას მოიზრებს, რომ ჩვენ აქტიურად ვეძებთ, ვიმასხვრებთ და ვწყალობთ ისეთ ინფორმაციას, რომელიც იმის სისწორეს ადასტურებს, რაც აქამდე გვწამდა. თუ თქვენ გჯერათ, რომ ძარცვა თქვენი ქალაქის მთავარი პრობლემაა, დიდი ალბათობით, ისეთ მონაცემებსაც მოიძიებთ, რომლებიც ამ რწმენას განამტკიცებს. თქვენი თავის ტვინი მიკერძოებით გამოყოფს იმ ფაქტებს, რომლებიც ფაქტების მოძიებაზე არსებულ რწმენას ამყარებს და უგულვებელყოფს მასთან დაპირისპირებულ ფაქტებს.

თუ თქვენ ღრმად გნამთ, რომ მსოფლიო საშინელი ადგილია, დადასტურების მოთხოვნილება გაიძულეთ, ის ფაქტები მოიძიოთ, რომელიც ამ რწმენას შეგინარჩუნებთ. სავარაუდოდ, დროთა მანძილზე საპირისპირო ხედვის მოსმენა გაგიჭირდებათ.

რომ შევაჯამოთ...

როდესაც ეს სამი მიდრეკილება ერთად მოქმედებს, შეგვიძლია დავინახოთ როგორ ვეძებთ, გადაჭარბებულ მნიშვნელობას ვანიჭებთ და განვამტკიცებთ ნეგატიურ რწმენას ჩვენში. პირველ რიგში, იქიდან გამომდინარე, რომ უარყოფითს მარტივად ვამჩნევთ, გვირჩევნია, უარყოფითი შინაარსი უფრო ხშირად „გამოვიყენოთ,“ ვიდრე — სხვა სახის შინაარსის შემცველი სიახლეები. ჩვენ ვეძებთ ნეგატიურ ინფორმაციას და სიახლეების გამავრცელებელ ორგანიზაციებს, რომლებიც, ძირითადად, უარყოფითი სიახლეების გავრცელებაზე ზრუნავენ, რადგან გვსურს, ყურადღება და აქტუალობა შევინარჩუნოთ. შემდეგ, ხელმისაწვდომობის მიკერძოება ჩვენს თავის ტვინს აძულებს, დაყინებით ვიფიქროთ მხოლოდ უარყოფითი სიახლეებზე. ბოლოს კი, დადასტურების ძლიერი მოთხოვნილებიდან გამომდინარე, ჩვენ მიდრეკილნი ვართ ისეთი სიახლეები მოვიძიოთ, რომლებიც მხარს დაუჭერს ჩვენს რწმენას, რომ მსოფლიო საშინელი ადგილია და, ამავდროულად, უარყოფით ინფორმაციას, რომელიც საპირისპირო რწმენას ემხრობა.

მოჯადოებული წრის გარღვევა იმისათვის, რომ უარყოფითი ინფორმაციის დამაზიანებელი გავლენა შეამციროთ, შეზღუდეთ უარყოფითი სიახლეების უწყვეტად მიღება. ინფორმირებულობასა და სენსაციად ქცეული ნეგატიური სიახლეების უწყვეტად მიღებას შორის საგულისხმო განსხვავებაა.

მანამ, სანამ სიახლეებს უპირობოდ მიიღებთ, ჰკითხეთ თქვენს თავს, რამდენი ისწავლეთ ამ სიახლის გაცნობის შემდეგ რეალურად. იმ შემთხვევაში, თუ თქვენ გაგიმყარდათ აქამდე არსებული რწმენა, მაშინ

ეს სიახლე იმდენად არ დაგზმავრებიათ, როგორც ადრე გეგონათ. სასურველია, სიახლეების მოსმენა, ყურება ან კითხვა შეწყვიტოთ, თუ ისინი თქვენში ძლიერ ბრაზს ან გაღიზიანებას იწვევს. მეტიც, შეგიძლიათ, ერთი კვირის მანძილზე, სიახლეების მიღება საგრძნობლად შეზღუდოთ და დააკვირდეთ, თავს როგორ იგრძნობთ.


იმისათვის, რომ ხელმისაწვდომობის ტენდენციის გავლენა შეამციროთ, სცადეთ, ნეგატიური ინფორმაციის კონტექსტში გააზრება. ცუდი ამბები ყოველდღე ხდება, მაგრამ ეს იმას არ ნიშნავს, რომ ცხოვრება აუცილებლად უარესდება. როდესაც თქვენ ნეგატიური ამბების სტატისტიკა მოგწოდებთ, თქვენ უნდა იკითხოთ, არის თუ არა ეს განცალკევებული მოვლენა თუ მოვლენების ერთობლიობათა ნაწილი, რომელთაც საერთო რამ უდევს საფუძვლად. ამ ქმედებების მიზანი ისაა, რომ თქვენ შეიქმნათ მოვლენების განონასწორებელი ხედვა, რომელსაც, შემდეგში, დაეყრდნობით.

ბოლოს, მიუვახლოვდით დადასტურების მიკერძოებას. როდესაც ირგვლივ ბევრი სხვადასხვა აზრი და მონაცემი ტრიალებს, მარტივია ნებისმიერი აზრის დამადასტურებელი აზრი იპოვოთ. ეს ფაქტიკი ხაზს უსვამს, რამდენად მნიშვნელოვანია დადასტურების ტენდენციის გავლენის მართვა ჩვენი ფსიქიკური კეთილდღეობისთვის.

დადასტურების მოთხოვნილების გავლენის შემცირების ერთ — ერთი სასარგებლო გზა საკუთარი რწმენის სისწორეში დროდადრო დაქვევებაა. რომელ ფაქტებს ეყრდნობა თქვენი რწმენა? მაგალითად, ბოლო დროს ჩადენილი კრიმინალური აქტის შესახებ უამრავი სტატისტიკის ნახვის შემდეგ, შესაძლოა, დაასკვნათ, რომ თქვენს მშობლიურ ქალაქში ცხოვრება სახიფათო გახდა, თუმცა, დარწმუნებული ხართ, რომ ისეთი ფაქტები მოიძიეთ, რომლებიც ნამდვილად მხარს უჭერს თქვენს აზრს?

უფრო ზოგადი მიდგომა კი გულისხმობს, რომ, დროდადრო, თქვენს თავს ჰკითხოთ: „რა შეიძლება ჩემი აზრის სიმცდარეს ამტკიცებდეს?“ და ეს შესანიშნავია იმისათვის, რომ თქვენი რწმენების სისწორის შემოწმება ჩვევად გექცეთ.

**მომზადდა  
სათუნა ბანაშვილმა**



# საქართველოში წლიური ინფლაციის დონემ 12.5 პროცენტი შეადგინა



2021 წლის ნოემბერში, წინა თვესთან შედარებით, ინფლაციის დონემ საქართველოში 0.6 პროცენტი, ხოლო წლიური ინფლაციის დონემ 12.5 პროცენტი შეადგინა. ამის შესახებ ინფორმაციას სტატისტიკის

ეროვნული სამსახური ავრცელებს.

მათივე ცნობით, სურსათსა და უალკოჰოლო სასმელებზე ფასები 0.6 პროცენტით გაიზარდა, რაც თვის ინფლაციაზე 0.22 პროცენტული პუნქტით აისახა.

რაც შეეხება საბაზო ინფლაციას, უწყების ინფორმაციით, აღნიშნულმა მაჩვენებელმა 2021 წლის ნოემბერში, გასული წლის შესაბამის პერიოდთან შედარებით 6.1 პროცენტი შეადგინა, თამბაქოს გარეშე წლიური საბაზო ინფლაციის მაჩვენებელი, ასევე, 6.1 პროცენტით განისაზღვრა.

საქსტატის მონაცემებით, ყოველთვიური ინფლაციის მაჩვენებლის ფორმირებაზე ძირითადი გავლენა იქონია ფასების ცვლილებამ შემდეგ ჯგუფებზე:

„სურსათი და უალკოჰოლო სასმელები: ჯგუფში ფასები გაიზარდა 0.6 პროცენტით, რაც თვის ინფლაციაზე 0.22 პროცენტული პუნქტით აისახა.

ფასები მომატებულია შემდეგ ქვეჯგუფებზე: რძე, ყველი და კვერცხი (4.4 პროცენტი), პური და პურპროდუქტები (1.5 პროცენტი), ყავა, ჩაი და კაკაო (1.3 პროცენტი), ზეთი და ცხიმი (1.0 პროცენტი). შაქარი, ჯემი და სხვა ტკბილეული (0.9 პროცენტი). ამასთან, ფასები შემცირდა ბოსტნეულსა და ბალჩეულზე (-5.1 პროცენტი), ასევე ხილსა და ყურძენზე (-2.6 პროცენტი);

ტრანსპორტის ჯგუფში ფასები გაიზარდა 1.7 პროცენტით, რაც 0.22 პროცენტული პუნქტით აისახა მთლიანი ინდექსის ზრდაზე. ფასები გაიზარდა პირადი სატრანსპორტო საშუალებების ექსპლუატაციაზე (2.4 პროცენტი); ავეჯი, საოჯახო ნივთები, სახლის მოვლა: ჯგუფში დაფიქსირდა ფასების 1.0 პროცენტითი მატება, რაც თვის ინფლაციაზე 0.05 პროცენტული პუნქტით აისახა.

ფასები მომატებულია შემდეგ ქვეჯგუფებზე: ავეჯი, საოჯახო ნივთები, ხალიჩები და სხვა იატაკის საფარი (2.3 პროცენტი), მინის ჭურჭელი, მაგიდის და საოჯახო ჭურჭელი (2.1 პროცენტი), ყოველდღიური საყოფაცხოვრებო საჭიროების საქონელი და მომსახურება (2.0 პროცენტი).

წლიური ინფლაციის ფორმირებაზე ძირითადი გავლენა იქონია ფასების ცვლილებამ შემდეგ ჯგუფებზე: სურსათი და უალკოჰოლო სასმელები: ჯგუფში ფასები გაიზარდა 17.0 პროცენტით, რაც წლიურ ინფლაციაზე 5.35 პროცენტული პუნქტით აისახა. ფასები მომატებულია შემდეგ ქვეჯგუფებზე: ზეთი და ცხიმი (27.7 პროცენტი), ბოსტნეული და ბალჩეული (26.2 პროცენტი), პური და პურპროდუქტები (20.4 პროცენტი), რძე, ყველი და კვერცხი (17.9 პროცენტი), შაქარი, ჯემი და სხვა ტკბილეული (17.4 პროცენტი), თევზი (16.0 პროცენტი), ხილი და ყურძენი (15.5 პროცენტი), მინერალური და წყაროს წყალი, უალკოჰოლო სასმელები და ნატურალური წვენები (13.6 პროცენტი), ხორცი და ხორცის პროდუქტები (10.7 პროცენტი), ყავა, ჩაი და კაკაო (6.9 პროცენტი);

ტრანსპორტის ჯგუფში ფასები გაიზარდა 20.2 პროცენტით, რაც 2.5 პროცენტული პუნქტით აისახა მთლიანი ინდექსის ზრდაზე. ფასები გაიზარდა პირადი სატრანსპორტო საშუალებების ექსპლუატაციაზე (30.1 პროცენტი) და სატრანსპორტო მომსახურებაზე (2.6 პროცენტი). ამასთან, ფასები შემცირდა სატრანსპორტო საშუალებების შექენაზე (-3.3 პროცენტი);

საცხოვრებელი, წყალი, ელ.ენერჯია, აირი: ჯგუფში დაფიქსირდა ფასების 11.5 პროცენტითი მატება, რაც 1.68 პროცენტული პუნქტით აისახა წლიურ ინფლაციაზე. ფასები გაიზარდა ქვეჯგუფებზე: ელექტროენერჯია, აირი და სათბობის სხვა სახეები (14.2 პროცენტი), საცხოვრებლის მიმდინარე მოვლა და შეკეთება (7.2 პროცენტი), წყალმომარაგება და საცხოვრებელ-თან დაკავშირებული სხვა მომსახურება (4.5 პროცენტი). ამასთან, ფასები შემცირდა საცხოვრებლის ფაქტიურ გადასახადზე (-2.0 პროცენტი), - აღნიშნულია „საქსტატის“ მიერ გავრცელებულ ინფორმაციაში.

## მონატრეზა

### ალექსანდრა (შურა) ბენაშვილი



დედა, მწუხარება ისეთივე სიტყვაა უნდა ყოფილა, როგორც დიდი სიხარული. ალბათ იმიტომ ვერ მომიყვინა თავი იმ სიტყვებისთვის, რომელიც ცოტათი მაინც გამოხატავს შენი დაკარგვით გამოწვეულ ჩემს უსაზღვრო ტკივილს.

ჩემო ტანჯულო, ძვირფასო და საყვარელო დედა, აუტანლად მძიმე აღმოჩნდა უშენოდ გასული ეს ორმოცი დღე, უსასრულო მონატრებამ და გამძაფრებულმა მარტოობის განცდამ მაგრძნობინა, თურმე როგორ მეიმედებოდი, როგორ მჭირდებოდი და ახლა როგორ მაკლიხარ, ჩემო საყვარელო დედა. შენ ჩემთვის ყველაფერი იყავი, ძლიერი, მტკიცე კედელი, რომელიც მიცავდა და შენს ერთადერთ შვილს. იყავი თავგადაკლული დედა შენი შვილისთვის და არაფერი დაგიკლია შენი შესაძლებლობის ფარგლებში.

პირველი გულისტკივილი ბავშვობის ასაკში - 12 წლისამ განვიცადე. მამის ნადრევად დაკარგვის შემდეგ, შენს მხრებზე აიღე ის მძიმე ტვირთი, რომელიც მეუღლის მაგივრადაც მოგიწია გეტარებინა. დედობის მაღალი შეგნებით და დაუღალავი შრომით არ მაგრძნობინე უმამობა, ჩემო ამაგიანო დედა.

გავიდა წლები, მეც წამოვიზარდე, სკოლის დამთავრებაც და სტუდენტობაც 90-იანების მძიმე წლებში მომიწია. ეს წლები მძიმე იყო ჩვენი ქვეყნისთვის, იყო გაჭირვება, ჩვენთვის კი, უკაცოდ დარჩენილი ოჯახისთვის, ორმაგად მძიმე და აუტანელი გამოდგა. მაგრამ შენ ფარხმალი არ დაგიყრია და ერთი ნუთითაც არ შეგიწივს ჩემზე მზრუნველობა.

ჩემი სტუდენტობის წლებში შენც ჩემთან ერთად მოგიწია თბილისში ცხოვრება. დატოვე ყველაფერი და ერთი ნუთითაც არ დაგიტოვე იმ მარტო. შენი მიზანი იყო, რომ თავგანწირული შრომით უცხო ქალაქში კაპიკი-კაპიკზე დაგედო და ხელი შეგეწყო ჩემთვის იმაში, რომ მომავალში ჩემი ადგილი მეპოვა საზოგადოებაში და ჩემი სიტყვა მეთქვა.

მეც დაგიფასე ეს დიდი შრომა და ამაგი, ამოგიდექი გვერდში და ვცხოვრობდით ჩვენთვის წყნარად და დედაშვილური სიამტკბილობით, ჩემო დედა.

ბევრი გაჭირვება გავიარეთ და როცა ვთქვით, რომ ყველა სიძნელე უკან დარჩა და მშვიდი ცხოვრებით უნდა გვეცხოვრა, ბედის უკუღმართობამ გინია და აღმოგაჩნდა უკუნრებელი სენი- სიმსივნე. ბევრი წვალების მიუხედავად თავი დააღწიე ამ მდგომარეობას, შენ ის დაამარცხე. მაგრამ ნათქვამია: „სანყალ კაცს ქვა აღმართში მიენევაო“, შენც სწორედ ასე დაგემართა, დედა. მსოფლიოში გავრცელებულმა პანდემიამ ჩვენს ქვეყანასაც შემოუტია და ბევრი ადამიანის სიცოცხლეც შეინირა. ამ ამბავმა ძალიან შეგანუხა და განიცდიდი, გემინოდა. მე რომ შემხვდეს, ვერ გადავიტან, არ ნახვიდე შეილო სამსახურში, ჩემი პენსიით ვიცხოვროთო- მეუბნებოდი. შენ რომ შეგხვდეს და გადამედოს, ვერ გადავიტან, მოგკვდებიო. ჩემი ჯანმრთელობა ძალიან შეგეწულებოდა. მართლაც, შენი შიში გამართლდა, ჩემო ტკბილო დედა და მე შენს წინაშე დამნაშავედ ვგრძნობ თავს, რომ მე მოგიტანე ეს ვირუსი, მე გავხდი შენი სიკვდილის მიზეზი, შენ ხომ გარეთ არც კი გამოდიდი და არავისთან არ გქონდა კონტაქტი.

ყოველივე ეს ისე სწრაფად მოხდა- სიკვდილიც, გასვენებაც, რომ დღემდე მგონია, „ცოცხალი დაგმარხე“. მიცვალეულიც კი ვერ მოგიხურვილე. დედა, სამწუხაროდ, ასეთი ყოფილა შენი ბედი, ასეთი ყოფილა უფლის ნება.

ძალიან ძნელია ჩემთვის უშენობა, მარტოობა, რომელზეც სიცოცხლეშიც ფიქრობდი სულ და ეს გადარდებდა. გული მტკიავდა უშენოდ! დაე, ჩემმა ლოცვამ და ჩემგან დანთებულმა სანთლებმა გზა გაგინათოს მარადიულ ცხოვრებაში. იძინე მშვიდად, მანდ მაინც დაისვენოს შენმა ტანჯულმა სულმა. ნათელი და სანთელი შენს ლამაზ სულს, ჩემო კეთილო დედა. შენი სსოვნა კი ჩემს გულში მარად იქნება.

შენი ერთადერთი შვილი  
შორენა ნატროშვილი

## ლილი ბებაშვილი

ლილი, ჩვენო ერთი აუნერგლო ტკივილო, 8 დეკემბერს 40 დღე გავა, რაც დაგვტოვე და ზეციურ სასუფეველში გადაინაცვლე. დასანანი, რომ ასეთმა ენერგიულმა, სიყვარულით და სითბოთი სავსემ, საამაყო, ღირსეულმა მოქალაქემ უდროოდ დაგვტოვე. დატოვე შენი სამედიცინო სფერო, სადაც საპასუხისმგებლო და ხალხისთვის საჭირო დარგს-„ოჯახის ექიმის“ ინსტიტუტის განვითარებას ერთგულად და ღირსეულად ემსახურებოდი. შენ ხომ უაღრესად განათლებული, სათნოებითა და სიკეთით დაჯილდოებული ქალბატონი იყავი. შენი ცხოვრებითა და მოღვაწეობით მისაბაძი მაგალითი იყავი როგორც მთელი რაიონისთვის, ისე შენი თითოეული პაციენტისთვის. გულდასაწყვეტია, რომ განუკურნებელმა სენმა შენი თავი უდროოდ გამოგვაცალა. შენ ხომ სული და გული იყავი ყველა ადამიანისთვის. კარგი მეუღლე, კარგი დედა, კარგი ბებია, კარგი მამიდა, კარგი რძალი. ნახვედი და დაგვტოვე წარსული ცხოვრების მოგონებებთან.

მწუხარებას ვერ იტყვს გულში შენი მეუღლე-გია, გოგოები თავისი ოჯახებით და შენი დაუოჯახებელი ერთადერთი ბიჭი ლევანი, რომლის დარდიც თან გაიყოლე. შენი შვილიშვილები: დათუნა, საბა, კესო. მხარი ჩამოუგდე ერთადერთ ძმას გელას, რომელსაც ძალიან აკლიხარ და სულ შენს ნატვრაშია მთელი ოჯახით. დიდი ტკივილი დაუტოვე შენი მახლის-ილიკოს ოჯახს. ჩვენთვის, ჩაფიასვილების ოჯახისთვის ხომ განუყოფელი ნაწილი იყავი და ასევე დარჩები, ძვირფასო.

საყვარელო ჩვენო ლილი, ამ ქვეყნად ყველაფერი უფლის ნებით ხდება და, რა თქმა უნდა, შენი ამ ქვეყნად მოსვლაც და წასვლაც მისი ნებაა.

შენ არ მომკვდარხარ, ჩვენო ლილი, შენ უკვდავებაში გადაინაცვლე. შენ მარტო შენს ოჯახს კი არა, მთელ რაიონს, სანათესაოს, სამეგობროს, სამეზობლოს და პაციენტებს დააკლდი.

ლილი, სანამ ვცოცხლობთ, შენს სახელს დავინყებთ არ უნერია. ხშირად გენვევით შენს სამუდამო განსასვენებელთან, მოგართმევთ ყვავილებს, რომელიც ძალიან გიყვარდა, დაგინთებთ სანთლებს, გავისაუბრებთ შენს წარსულთან. ჩვენს მიერ დანთებული სანთლები კი გაგინათებს სასუფეველის გზას.

შენი მონატრებული რძალი ციციწო ჩაფიასვილი, მისი შვილები: მანანა, მაია, არჩილი ოჯახებით, და მარიკა, შვილიშვილები: ლეპანი, ქეთიქანი, გიბა, შვილიშვილი ლუკა.

დედოფლისწყაროს მუნიციპალიტეტის ი.ჭავჭავაძის სახელობის მნიგნობართა ასოციაციის თავმჯდომარე ვანო ნატროშვილი, თანათავმჯდომარე ნანა ჭიჭინაძე. პასუხისმგებელი მდივანი ლია ჩოქური და გამგეობის წევრები: ხათუნა აგლაძე, ინგა შიოლაშვილი, ნიარა გორაშვილი, ნელი გობეჯიშვილი და სხვები თანაგრძნობას უცხადებენ ნუგზარ პაპიაშვილს მეუღლის ციური ზურაბაშვილის გარდაცვალების გამო.

შვილები: ნუნუ, თამაზ ზურაბიშვილი; შვილიშვილები: მაკა, ნანა, ქეთევანი, ეკა ზურაბიშვილები, მაგდა და სოფო ნატროშვილები იუნყებიან მარიამ ზურაბიშვილ - ჩალახუბაშვილის გარდაცვალებას.

# გზათვადაც უნდა შექმნათ



მი ტოკლიკიშვილის რძალია. მეთორმეტეკლასელი იყო ნინო, როდესაც ახლობლის ოჯახში, წვეულებაზე გაიცნო სამრეკლოელი ზაზა ტოკლიკიშვილი და სიყვარულმაც ფრთა გაშალა, გაშალა და ისე იწყა ალმა ფრენა, რომ სკოლის დამთავრებისთანავე ოჯახის შექმნით დაგვირგვინდა. ეს იყო

დღეს ძველნაპი უმუშევრობა და სიღარიბე რომ არის, ამას არც მითავრობა მალავს და სხვადასხვა ბაზას ეძებს ამ გამოწვევის დასაძლევად, მაგრამ... სწორედ ეს მაგრა არის, რომელზეც უნდა დავფიქროდეთ, გავანალიზოთ, ავამოტივოთ საომარო გზები და ვიოცნავოთ თუნდაც მარტო მითავრობის ხალხი ვიპოვოთ მაზარაერულად რას მოგვარებოდა, სამხედრო წარსულს. ყველაზე მთავარი უნარის და შესაძლებლობის ფარგლებში უნდა იზრუნოს, რათა გამოიყენოს გზა საკუთარი თავის სარჩენად. ასევე მე ერთი რეკომენდაცია (იქნებ უფრო არაჩვეულებრივი) ოჯახის შესახებ მოგიყვებით, დასკვნა კი თქვენ გამოიტანეთ:

შეიძინე ნინო. ნინო პროფესიის მიღება ვერ მოასწრო. მეუღლე ამხნევედა: არ იწერო, მე ვიმუშავებ, შენ ოჯახს მიხედო, მაგრამ ასე არ ფიქრობდა ნინოს დედამთელი მათა ქადაგიძე-ტოკლიკიშვილი.

მე ოცი წელი მუსიკალურ სკოლაში ვიმუშავე და კარგად ვიცი, რომ ქალსაც აუცილებლად სჭირდება საკუთარი საქმე და შემოსავალი, რათა იყოს რეალიზებული და დამოუკიდებელი. ადამიანი მეორე ადამიანის კმაყოფილებაზე არ უნდა იყოს. ამიტომ, სულ ვწუხდები, რა მომეფიქრებინა, რომ ნინოსთვის საქმე გამეჩინა. ასე ვფიქრობდი ჩემს გათხოვილ ქალიშვილსა და უფროს რძალზე. მათ კოსმეტიკური სალონები აქვთ და თანამედროვე მეთოდით ფრჩხილების ლაქირებას აკეთებენ. ერთხელაც, ერთ-ერთ სატელევიზიო არხზე, ყურადღება მივაქციე, რომ წამყვანს იმ არხის ლოგოთი დამშვენებული ქიქიე ედგა მაგიდაზე. მეორე ნინომ წინაშე, შემთხვევით, ნახა სალონი, რომლის აბრაზეც ეწერა „ქიქიე ბეჭედა“. გაესაუბრა მენეჯერს. მე და ნინო დავინტერესდით, კომპიუტერით მოვიძიეთ კიდეც. ერთად ვისწავლეთ ეს ყველაფერი და ნინოს საქმედ ვაქციეთ. - ამბობს ქალბატონი მათა.

გა პოლირება. ეს არა მარტო ტექნიკური მხარეა, არამედ ფანტაზიის უნარიც, უნდა შეგეძლოს ნარმოსახვა, რასაც დამკვეთი ითხოვს, გამოვა კი ისეთი, მას რომ მოეწონოს?! ამიტომ რჩევებსაც ვაძლევ, ვთავაზობ სხვადასხვა ნიმუშს. დღეისათვის მხოლოდ ჭიქებზე ვმუშაობ, რადგან საკმაოდ ძვირადღირებული დანადგარი, რომელიც მისიურებზე, ბავშვებისთვის სათამაშო ფაზლებზე, მაუისის საფეხებზე ნებისმიერი სურათის და წარწერის გადატანა შემიძლია, დამენვა. ამ კუთხით ძალიან ბევრი დამკვეთი მყავდა. ბავშვებს ძალიან მოსწონთ ფაზლის აწყობა, სადაც საკუთარი პოტრეტი თუ სათამაშო იყო დატანილი. თუმცა ჭიქებზე შემკვეთი დღესაც საკმაოდ მყავს. გამორჩეულად დღესასწაულებზე. ადამიანები ერთმანეთს ჩუქნიან არა მხოლოდ საკუთარი პორტრეტებით, არამედ სხვადასხვა დიზაინით დამზადებულ ჭიქებს. შემიძლია ჭიქაზე დავიტანო წმინდანების ხატები, ზოდიაქოს ნიშნები, ემბლემები, დროშები, პეიზაჟები, „სამაილები“, ჩემი ან შემკვეთის ფანტაზიით შექმნილი კოლაჟები, ასე რომ, ძალიან საინტერესო სამუშაოა და ჩემთვის საჭირო ფინანსური შემოსავალიც მოაქვს. ამ ჭიქას ადამიანები ერთმანეთს ჩუქნიან დაბადების დღეებზე, ახალ წელს, 8 მარტს რელიგიურ დღესასწაულებზე და სხვა. ის ყველასათვის ხელმისაწვდომია, სულ რაღაც, 10 ლარი ღირს. სამომავლოდ მინდა, გავაფართოვო ჩემი საქმიანობა და შევიძინო დანადგარი, რომლითაც ყავის ჭიქების და თევზების პოლირებასაც შევძლებ. მდებარეობს ვარ ჩემი დედამთლის, რომელმაც მომცა ბიძგი, სახლიდან გაუსვლელად მეკეთებინა ჩემთვის და ხალხისთვის საჭირო საქმე და არც ოჯახი დამრჩენოდა უყურადღებოდ, - ამბობს ნინო. ის ორი ბიჭის 5 წლის ლამას და 7 თვის ლუკას დედაა.

-სულ ბავშვი იყო ნინო, ჩემს ოჯახში რომ შემოვიდა. აქ ისწავლა საოჯახო საქმე, ურთიერთობები. ის ძალიან მშვიდი, განონანსწორებული, ზრდილი ადამიანია, ოჯახის ერთგულია და კარგად უყვარს ქმარ-შვილს, სხვა რა უნდა გვინდოდეს, ამიტომ მე ის შვილივით მიყვარს და, შეძლებისდაგვარად, მხარში ვუდგევარ,-

ამბობს მათა და შავთვალა შვილიშვილებს გულში იხუტებს.

-მათა ქადაგიძის და ტარიელ ტოკლიკიშვილის ჭიქკარს შეაღებ თუ არა, მაშინვე მიხვდები, რომ აქ მშრომელი ადამიანები ცხოვრობენ. გადანიშნული ეზო-კარმიდამო, ამღერებული ქვები. დიას, ქვები- ფილაქანი, მესერი, მოაჯირი, კედლები სულ დეკორატიულად გაფორმებულ ქვაბა წყობაშია მოქცეული და თვალსა და გულს ეამება მათი ცქერა.

-სახლი, მე და ჩემმა მეუღლემ, ვერ კიდევ კომუნისტების დროს, სულ საკუთარი ხელით ავაშენეთ, ჭერიც კი ჩვენი ხელით დავაყენეთ. ბევრს ვმშრომობდით. ტარიელი კოლმეურნობაში მშობლი იყო. მერე სიღნაღის რეაბილიტაციის დროს იქ მუშაობდა და ფილაქანის დაგება და ქვაზე მუშაობა შეისწავლა. შვილებს კახას და ზაზასაც შეასწავლა. ზაზა სასახლევრო სამსახურშია და თავისუფალ დროს ოჯახის მოწყობას ახმარს. ამჟამად კოსმეტიკურ რემონტს ატარებს სახლში. ჩვენი სიძეც დაგვეჩვენა და ძალიან ლამაზი შეკიდული ჭერებით დამაშვენა ბინა. ასე რომ, ყველამ რაღაც საქმე იცის და ერთმანეთს მხარში უდგანან. როცა ხელოვნობაში ფული არ მიგდის, ეს ბევრ რამეში ნიშნავს. ეს ლამაზ-ლამაზი ქვები სათითაოდ სადაც არ გვიგროვებია გზის პირებზე, მინდორში, ხევებში... ერთი სიტყვით, მართალია, რთული დრო გვიდგას, ირგვლივ გაჭირვებაა, მაგრამ მთავარია, იყო შრომისმოყვარე, მიზანდასახული და საქმე ყოველთვის გამოინახება, მთავარია გული გულობდეს-ამბობს ჩვენთან საუბარში ქალბატონი მათა და მართალიც არის. დღეს ამა თუ იმ საქმის ოსტატის, და თუნდაც მუშაზე იმ, ნახვა იმდენად რთულია, რომ ნებისმიერ ადამიანს შეუძლია, საქმე გამოიხატოს თავის სარჩენად. მთავარია, მორიდდეთ. მარტო წუნუნისამუშაო არ არისო, არ გვიშველის. რაიმე გზა თავადაც უნდა ვეძებოთ.

ნინო ბორაშვილი

P.S. თუ გასურთ ისარგებლოთ ნინო საბიაშვილის მომსახურებით, დაურეკეთ 571 120 095.



## სხვა სოლონი და გომორა...

არქეოლოგებმა, სხვადასხვა სპეციალობის მეცნიერთა დიდი ჯგუფის მონაწილეობით, მდინარე იორდანეს აღმოსავლეთ ნაპირზე მდებარე ბრინჯაოს ხანის დასახლება ტელ-ელ-ჰამამის ადგილზე ჩატარებული გათხრების დროს აღმოჩენილი არტეფაქტები შეისწავლეს (2005 წლიდან დაწყებული). მათ საკმაოდ დამაჯერებლობის მტკიცებულებები მოაგროვეს იმისა, რომ აქ ტუნ-გუსკის კატასტროფის მსგავსი მოვლენა მოხდა: ყინულის ასტეროიდის ან დიდი მეტეორის აფეთქება უზარმაზარი რაოდენობის ენერჯის გამოყოფით, რამაც ეს ძველი ქალაქი მინასთან გაასწორა. მეცნიერთა აზრით, სწორედ ამ მოვლენის საფუძველზე გაჩნდა ბიბლიური ლეგენდა სოლომისა და გომორას დაღუპვის შესახებ.

ამ ფენაში აღმოჩენილი კერამიკული ჭურჭლის ათასობით ნამტვრევი, შემომდნარი ალიზის (გამოუწვავი აგური), საყოფაცხოვრებო ნივთების, შემომდნარი ხის ბოძების, ცარცის კონსისტენციამდე დამწვარი კორქის ლოდების, ადამიანებისა და ცხოველების დამსხვრეულ ძვლებთან არის შერეული. ეს ყველაფერი კი მომხდარ გრანდიოზულ კატასტროფაზე მეტყველებს. რადიონახშირბადული დათარიღებით დადგინდა, რომ ეს, ჩვენს წელთ აღრიცხვამდე დაახლოებით 1650 (±50) წელს მოხდა. მაშინ, 34 ჰექტარი ტერიტორიის მქონე შუა ბრინჯაოს ხანის ტელ-ელ-ჰამამში, გაცილებით მეტი ადამიანი ცხოვრობდა, ვიდრე იერუსალიმში, იერიქონზე კი ხუთჯერ დიდი იყო.

## ულოცავენ!

**თაილა ნადირაშვილს!**

ჩვენ, უახლოესი მეგობრები, უმალლესი რანგის მუსიკოსს, პროფესიონალს, კეთილ და ყურადღებიანს, ვულოცავთ საიუბილეო თარიღს - 3 დეკემბერს.

საუკეთესო სურვილებით და ურთიერთ პატივისცემის გრძნობით

ნანა ჭიჭინაძე და ლია ჩოქური.

ნოემბერი		დეკემბერი		იანვარი		თებერვალი		მარტი		აპრილი	
ორშაბათი 06.12	სამშაბათი 07.12	ოთხშაბათი 08.12	ხუთშაბათი 09.12	პარასკევი 10.12	შაბათი 11.12	კვირა 12.12					
დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე
12°	1°	11°	6°	11°	1°	12°	2°	11°	2°	10°	2°

გამომცემელი შპს „შირაქი“  
 დირექტორი ინგა შიოლაშვილი  
 რედაქტორი ნინო ბორაშვილი-პოპიაშვილი  
 წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: შუშუნა ყანაშვილი (ჟურნალისტი); ელზა ხარაშვილი (სტილისტ-მენეჯერი); ხათუნა ბანაშვილი (კორექტორი) ნათელა ბოსტაშვილი (ბუღალტერი); ნინო ბორაშვილი (ოფის-მენეჯერი); მზინა ქინძიძე (საქმის მწარმოებელი).  
 გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-09-24-65 (რედაქტორი)  
 რეგისტრირებულია დედოფლისწყაროს რაიონის სასამართლოს მიერ, №6014-468.